

### III. OUTRAS DISPOSICIÓNS

#### CONSELLERÍA DE CULTURA E TURISMO

*ORDE do 6 de outubro de 2011 pola que se modifica a Orde do 23 de marzo pola que se establecen as bases reguladoras para a concesión, en réxime de concorrencia competitiva, das subvencións para a creación de aldeas de turismo rural, a mellora de establecementos existentes de turismo rural e a creación ou mellora da oferta complementaria nos establecementos de turismo rural existentes e se procede á súa convocatoria para o ano 2011 (CT983H), cofinanciadas polo Fondo Europeo de Desenvolvemento Rexional no marco do Programa operativo Feder Galicia 2007-2013.*

A Orde do 23 de marzo establece as bases reguladoras para a concesión, en réxime de concorrencia competitiva, das subvencións para a creación de aldeas de turismo rural, a mellora de establecementos existentes de turismo rural e a creación ou mellora da oferta complementaria nos establecementos de turismo rural existentes e se procede á súa convocatoria para o ano 2011 (CT983H), cofinanciadas polo Fondo Europeo de Desenvolvemento Rexional no marco do Programa operativo Feder Galicia 2007-2013, publicada no DOG número 64, do 31 de marzo de 2011, no seu artigo 17.2 establece como prazo de xustificación da primeira anualidade ata o 30 de novembro de 2011.

Non obstante, tendo en conta a data de convocatoria das axudas, o número de solicitudes presentadas, o elevado número de requirimentos que foi necesario realizar co obxecto de que os interesados emendaran a documentación inicialmente presentada, e as dificultades de valoración destas, xunto coa paralización da contabilidade orzamentaria, produciuse un retraso na resolución da convocatoria, polo que co obxecto de que os beneficiarios poidan xustificar en prazo as subvencións, se estima adecuado unha modificación dos prazos de xustificación.

Á vista do anterior é necesario proceder á modificación do artigo 17.2 que amplía o prazo de que dispoñen os beneficiarios para realizar a xustificación da subvención.

Polo exposto, en uso das facultades que me foron conferidas,

DISPOÑO:

Artigo 1.

O artigo 17.2 do anexo I queda redactado como segue:

2. Para cobrar a primeira anualidade (2011) da subvención concedida, o beneficiario terá de prazo ata o 30 de decembro de 2011 para presentar nos lugares

sinalados no artigo 3 da convocatoria a documentación que a continuación se indica:

a) Solicitud de cobramento segundo o modelo do anexo V.

b) Certificación de obra por conceptos, en modelo normalizado que se compón de portada, certificación en orixe, por partidas e capítulos, segundo medicións e prezos recollidos no proxecto de execución, elaborada polo arquitecto e arquitecto técnico da obra, relativa á obra executada coa súa valoración e, no caso de obra rematada, tamén se achegará certificado de fin de obra.

No caso de obras menores con orzamento de execución material superior a 50.000 euros os beneficiarios presentarán certificado de fin de obra asinada por persoal técnico competente.

c) Facturas, que deberán especificar a que concepto corresponden segundo o investimento que serviu de base para a concesión da subvención, xunto coas certificacións bancarias, ou no seu defecto copias das ordes de transferencia, que xustifiquen o seu pagamento. En todo caso o importe reflectido na certificación de obra debe ser consecuente co xustificado coas ditas facturas.

d) Licenza urbanística que posibilitase a execución do investimento subvencionado. O dito documento é preceptivo, non se procederá ao pagamento de ningunha anualidade mentres non se presente.

e) Certificados expedidos polos organismos competentes acreditativos de estar ao día nas obrigas tributarias coas facendas do Estado e da comunidade autónoma, así como nas obrigas coa Seguridade Social e de non ter ningunha débeda pendente por ningún concepto con ningunha Administración pública. Non obstante, a presentación da solicitude de subvención comportará a autorización ao órgano xestor para solicitar as certificacións que deban emitir a Axencia Estatal da Administración Tributaria, a Tesouraría Xeral da Seguridade Social e a Consellería de Facenda da Xunta de Galicia.

f) Declaración responsable onde se recollan expresamente os compromisos a que se fai referencia no artigo 16 das bases reguladoras.

g) Declaración actualizada de conxunto das axudas solicitadas, tanto aprobadas ou concedidas como as pendentes de resolución, para a actividade obxecto desta orde, das distintas administracións públicas competentes ou calquera dos seus organismos, entes ou sociedades. Pode utilizarse actualizado o anexo IV: modelo de declaracións.

h) Xustificante orixinal do depósito da garantía presentada no caso de pagamentos de importe superior a 18.000,00 euros, de acordo co establecido no artigo 62 en relación co 65 e 67 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

A modificación do prazo de xustificación establecido non afectará os demais previstos na orde.

Disposición derradeira única.

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 6 de outubro de 2011.

Roberto Varela Fariña  
Conselleiro de Cultura e Turismo